

Die Lompebajaasch ¹

(E Määrsche nõ de Brüë Jrimm)

Et Hähnsche saat an et Höhnsche: »Jetz send de NöiB ² jrad rief. Komm, mië wolle zesaame dr Bäreşch ęropjonn on os ens rischrisch satt draan eiße, ih dat et Eeschhöęsche ³ se sisch all hõllt!« »Jõ«, reef dat Höhnsche, »dõ han isch och Loß drop.«

Su jonge se zesaame dr Bäreşch ęrop. On weil et ene schöne Daach wor, bleffe se bes et Qvends. Nu weeb isch net, õf se sisch ęsu vøll jejeiße hõdde, ode õf se övšemödisch jewudde wore, – se wollte net ze Fooß nõheem jonn, on dat Hähnsche dong us Noußschale e Wännsche ⁴ boue.

Wie et dõmet fäędisch wor, satz Höhnsche sisch ęren on saat a Hähnsche: »Jetz spann disch dõvür on träck!«

»Dat häbte disch ęsu jedaat!«, saat dõ dat Hähnsche, »Iędere jonn isch ze Fooß nõheem, ih dat isch misch vürspanne loß! Nee, su hamme net jewätt! Isch wüd misch als Kutscher op dr Bock sätze. Ävve sälefs trække? Nee, dat donn isch net!«

Wie se sisch ęsu am taggele ⁵ wore, koęm en Änt ęraanjeschnadderet. »Ühr Spetzboove! Wer hät üsch erlaub, en menge Noußbäreşch ze komme? Jetz soll et üsch jörrisch ⁶ jonn!« On se jong mem aufe ⁷ Schnabel op dat Hähnsche lauß. Ävve Hähnsche wor net fuul on tritt met ene Hahneput su nõ die Änt, dat die aafong öm Hölep ze schreje on sisch als Stroqf vür dat Wännsche spanne lösse moot. Hähnsche satz sisch op dr Bock, on en eene Kajeer ⁸ jong et lauß.

»Loof wat de kannß, Änt!«

¹ das Lumpengesindel ² Nüsse ³ Eichhörchen ⁴ Wägelchen ⁵ streiten ⁶ übel, schlecht

⁷ mit offenem ⁸ Tempo, Geschwindigkeit

Ongewäes troofe se zwei Fooßjängere, en Stecknool ¹ on en Nihnool ². Die reefe: »Halt ens aan!« on jammernde: »Nämmt os met! Et os bejm Bier jet spoöt wudde. Jlisch wid et düüster, on dann könne me op die dräckije Strooß net wiggereloofe.

Weil et zwei Schlanke wore, die net völl Plaatsch bruche, lott Hähnsche se ensteeje. Dauch moote se versprääsche, höm on Höhnsche net op de Fööß ze träene.

Spoötovends koeme se an en Wietschaff aan, on weil se em Düüstere net wiggere- fahre wollte, die Änt och nemmi joot ze Fooß wor, beschlouße se enzekiere.

Ze-iesch wollt dä Wiët se net urenlosse. Et Huus wör at völl, saat-e. Hä daat wahl, dat dat jakeen feng Jesällschaff wör. Wie se ävve dä Wiët vürschlooche, hä könnt dat Ei han, dat Höhnsche ongewäes jelaat hott, on hä könnt och die Änt behalde, die jede Daach e Ei läät, saat dä schleeblich, se könnte övve Naat blieve. Dö lotte se sisch et Eiße opdraare on schlooche kräftisch zo.

Fröhsch am morje, wie et jrad häll wud on all nauch am schloofe wore, dong Hähnsche dat Höhnsche wäcke, schlooch dat Ei op, on se oëße et zesaame op. De Schale wurpe se op de Fonööß ³. Dann jonge se nõ die zwei Nölde, die nauch am schloofe wore, kreesche se sisch bejm Kopp on stooche die Nihnool en dä Wiët si Setzköiße ⁴, die Stecknool en si Hangdooch on flouche dann dovan.

Die Änt, die om Hauf ⁵ blevve wor, weil se jäe onge frejem Hemmel schleef, huët se afhau, wor deräk monkte ⁶ on hott baal ene Baach jefonge fü föttzeschwemme. Dat jong flöckere wie vür dä Waan ⁷ her ze loofe.

¹ Stecknadel ² Nähndel ³ Herd, Küchenherd ⁴ Sitzkissen ⁵ Hof ⁶ munter ⁷ Wagen

E paa Stond spöðdere kroff ¹ dä Wiët us de Fäære ², jong sisch weische on wollt sisch mem Hangdooch afdrüjje.

Dö kratz em die Stecknool övve-r-et Jesiët, on et joef ene rude Schrööm ³ van ee Ue bes an et ange. Dann jong-e en de Köisch, fü sisch en Pief aanzemaache. Wie-e ävve a de Fonööß vrbej koem, spronge em de Eie-Schale en de Oore.

»Dese Morje hät alles et op menge Köpp afjesenn!« fong-e aan ze flooche on lott sisch met schläete Senn ⁴ en senge Pröttel ⁵ falle. Wie dr Bletz on met e »Au-wih!« fuhr-e werrem en de Hühde ⁶; dänn die Nihnool hött em nauch schlemmere – on net an dr Köpp jestauche. Dö wor-e völlends jrällisch on hött seng Jäß ⁷ em Verdach, die jästere spöot-qvends aajekomme wore.

Wie-e jong, fü sisch nõ se ömzesenn, wore die all fött.

Dö hät-e sisch jeschwore, keen su-n Lompebajaasch mih opzenämme, die völl iß, net bezahlt on als Dank döfür nauch dr Aap met em maat ⁸.

¹ kroch ² Federn ³ Kratzer, Schramme ⁴ schlechte Laune ⁵ bequemer Sessel ⁶ Höhe

⁷ Gäste ⁸ Schabernak treiben